

壁州新建山寺记

郑 畋^①

大唐中和，岁次癸卯^②，天子在蜀。凤翔节度使荥阳郑畋以疾辞所任。帝念荥阳首举义旅，奋身捍患，檄天下诛拉^③巢贼勤王之众，云集京师。惟畋有功，金口神笔稠沓^④谕。亟贡四表，坚意上请，至七月初蒙允，授检校司徒^⑤，东宫太保。季秋，子凝绩自兵部尚书拜疏，乞郡迎养，偃得壁州长史。冬十月，奉辞行在南，至前六日，路达通江。凝绩峻以御下，请以涤己，修饬政理，安调黎元，吏不为奸，廛肆^⑥丰溢，民淳岁稔，宽泰乐输，父子欢笑，适于旦夕，高散^⑦无累，乐其幽旷，遨游壁山胜景之所，修篁郁密，乔树葱蒨，景态变幻，泫月澄日^⑧。搜索奇胜，得泉洞于西南，维凿石架篁，缭绕登降，高悬旗幡，疏为泓沼，峭壁危栈，遂来商旅。乃于旧亭东隅，建构佛宇，召僧匡信主其事，多出私财以益之。为堂三间，徘徊为门^⑨，为廊二十六间，高下环合，翠飞鳞次^⑩。廊外为僧房庖厨十数间。又立真室精舍，列之高界，为左右翼。愚与凝绩洎犹子昭允^⑪，俱写^⑫形于方丈之中。负山面江，雄压胜地。日月光照，风雨所交，钟梵松篁，铿锵满听。千家薨栋^⑬，历历在眼。晨烟夕艳，辉灿盈庭；鸥鹭篙榜，以资景物。于时行朝卿士，或寓于诸州。给事中孙君储秋、曹正郎、郑君损，皆柅车^⑭

此地，多邀以同游。书琴棋画，随后闲作。自仲春至于维夏，时事维艰，故人心忧忧，赖多方以镇静之。四月，太守除狡獠⑤，乔居于保谷，改病瘡，表请悬车⑥，宸旨不允，再诏追覲。凝绩改佩天彭⑦印，崖途震栈如壁实危，遂越暑乞即路于孟秋。因念精舍既成，其佛不可遽塑。先是开元年间，殿宇、法像、碑碣、侍卫俱全，而漂掷流落，彩绘凋毁，特命良匠严飭，新以缨络珠金。七月八日，备珍帛，洁净迎礼于新室。眸容慈相，拱卫完严，犹可福壁神而安壁人。予择是月吉日，迁家于蜀。郡之人有见，思当护真室，乃甘棠蔽芾⑧之义。改心期引泉溃瀑⑨，开巘构阁，辉朱轩于云际，驾丹楹于云表，遽须舍去，不果经营，眷恋峰峦，岂无遗憾！其绍续余绩，瀑列新规，俾加旧增辉，则倚靠岚光，完成绝致，俟将来矣。

甲辰⑩孟秋二十三日朝清郎行尚书
刑部郎中柱国赐绯鱼袋郑损书

注：

- ① 郑畋：唐荥阳人，字台文，进士，历任中书舍人，兵部侍郎，吏部侍郎同平章事等职。黄巢起义军占领长安时，他任凤翔节度使，战败黄巢部将尚让，旋充京西诸道行营都统，率领各藩镇兵力包围长安，打败了黄巢领导的农民起义军。集军政大权于一身。儿子郑凝绩任壁州刺史。畋因患病，乞解职，到通江养病。僖宗中和三年十月到通江，第二年七月离开。在通江住了九个月，建修壁州山寺（原嘉祐寺，今大修车间），人们称这里为“宰相府”。
- ② 大唐中和，岁次癸卯：即公元883年。
- ③ 诛拉：讨伐摧毁。
- ④ 稠沓：多次。

- ⑥ 检校司徒：败先为检校尚书左仆射，有功，授此职。
- ⑦ 庶肆：庶，平民住地；肆，商店。庶肆泛指场镇。
- ⑧ 高散：高兴，闲散。
- ⑨ 弦月澄日：弦，水滴下垂貌；澄，水清澈不动。形容风景幽静，太阳与月亮如水洗过。
- ⑩ 徘徊为门：三堂相通，可以往来行走。
- ⑪ 翠飞鳞次：形容官室壮丽而多。
- ⑫ 泊犹子昭允：泊，及...；犹子，指侄儿；昭允，侄儿名。
- ⑬ 写：移置，言败与子都搬到方丈室中去住。
- ⑭ 薨栋：薨，屋脊也；薨栋，言屋宇也。
- ⑮ 柅车：柅，遇止，停留。柅车即停车。
- ⑯ 蛟獠（音老）：古族名，分布在广东、广西、湖南、四川、云南、贵州等地。“蛟”为贱称。
- ⑰ 悬车：亦作县车，即辞官家居。
- ⑱ 天彭：四川灌县。
- ⑲ 甘棠蔽芾：甘棠，《国风·召南》篇名，赞美召伯的诗；蔽芾，幼小也。相传召伯曾在甘棠树下，听讼决狱，公正无私，后人感戴他，唱出这支歌，表示对召伯的怀念，后用此诗来赞美地方官的清廉与公正。
- ⑳ 湫隘：泉水自上而下，滚动飞溅，波浪回旋湫涌的样子。
- ㉑ 甲辰：即公元884年。

文 庙 记 ①

晁仲约②

古之言治道者，黄帝而下，无先于三代之法，其所以励世砺俗，育天下英才，而纳之善者，莫大于学。盛朝家塾党

庠③，乡序国学之制，载于盛典，厥迹④著矣。周末秦乱，洙泗⑤之教，坠地而不举。汉氏以马上得天下，孝文始垂意经籍。武帝初，命郡国立学校，历元始（孝昭）而大备。郡曰学，国曰校，乡曰庠。由晋而下，惟元魏献祖，南朝梁氏，中外立学之制，最为之详。李唐著令，自通郡大府，至千户之邑，皆设博士助教，下逮⑥弟子员，率有定制。我朝庆历（仁宗）中，天子持循光显，尊显儒术，以为京师首善之地，学则旧矣，方国之下，颇忽而不立，岂朝廷待士，意有厚薄内外耶？爰诏列郡，咸建庠序，命官典掌。规制纤悉⑦，而议不一；制已行而遽止⑧，曩之会藩名郡，聚徒讲道，亦或从之而怠矣。矧僻陋遐荒⑨之地，守土者不啻如客寄，蒞任⑩未几，即屈指岁月，延颈以俟代者⑪，肯复留意于学哉？嘉祐（仁宗）壬寅⑫，尚书员外郎皮公弼守壁州，明年建学于郡之西北。太常博士俞君域，嗣而缉之，功遂以成。先是郡独有孔子祠，既卑且隘，春秋释菜⑬，寓于堂上，殆不能容足。君玉⑭耻之，献臣⑮病之，思改易而为之，果能择胜壤，破顽石，平近甿，民不劳而力有余。斩险砌窪⑯，化为平敞，庙室既就，学舍随备。圣贤像貌，与总纲图治，更灿然一新。君玉戾止⑰，乐于成事，且曰：“栋宇既立，不有师范，何以示诱掖⑱而来后进？”于是，择人以尚讲训，学徒且集，不肃之礼，则升降揖逊之礼无以致其严。于是，俎豆簠簋之器⑲，一如祭法。暇日与二三僚友，即席见诸生，谈仁义道德之蕴⑳，君臣父子之要。开端发蒙，日渐月磨，薰然油然，使自趋之。巴谚之俗，翕然㉑丕变，弦歌之声，几与邹鲁侔㉒矣。噫！郡县之政，视其人之贤否？出一令举一事，利不百，则不为之。故昔人慎所注措者，盖

惧其利未形，而害随之。且黉塾^①之利，本以耸动贤才，助宣风化之意。三尺童子，皆知陶染浸润^②，无毫发之害。为政者，不能勇为之，甚足惜也！昔之良吏，如蜀之文翁^③，颍州之韩延寿^④，荆州之刘表^⑤，未尝不振兴颓敝^⑥，招延俊秀，至有开除旧舍，或执经以躬^⑦受训导者，载在史册，为守宰政事之最。则知吾道之污隆与时上下，不得其人则不兴，从古然也。今二君之才，皆精明强干，以饬^⑧吏事，彼作我继，一意于学而始终之。仆知壁山之人，自是而往，策荣名都贵仕者，连袂^⑨而出矣。二君之惠之美，其为可量耶？君玉与仆同年友，一日，遣价^⑩揭图以示仆，既喜献臣海民乐善之道，如此其著；又喜君玉能推美前人，不有其功，二者皆可书，故执笔而不让，其学舍大小之制，来者可观，兹不复记云。

注：

- ① 文庙：明清时称孔子庙为文庙。通江县旧有学宫，在城西北隅，清嘉庆初毁于兵燹，邑人移置山麓，規制狭隘。咸丰中，庠生熊廷庚等，谋复旧基更新之，至同治二年始告成，规模称大备焉。惜年久，宫墙内外，地势倾陷。知事甘公，偕邑绅议随粮附加孔庙费，至民国十一年，培修始竣。
- ② 晁仲约：北宋英宗时人，与壁州刺史俞域为同年交。
- ③ 家塾党庠：党，古代的一种居民组织，五百家为一党；塾、庠，古时的地方学校；家有塾，党有庠，术有序，国有学。
- ④ 厥迹：厥作其。
- ⑤ 洙泗：这里代指儒家。
- ⑥ 逮：及，到。
- ⑦ 纤悉：即详细之意。
- ⑧ 遽止：遽，急速；即急速停止。

- ⑩ 矧僻陋遐荒之地：矧，音审，况，况且；僻，荒远的地方。
- ⑪ 莅任：即到任。
- ⑫ 延颈以俟代者：伸长脖子等待前来接替的人。
- ⑬ 仁宗壬寅：即公元1062年。
- ⑭ 释菜：祭祀先圣先贤的一种典礼。
- ⑮ 君玉：指俞璵。
- ⑯ 献臣：皮弼的别名。
- ⑰ 洼：即洼，低凹之地。
- ⑱ 戾止：来临。
- ⑲ 诱掖：引导扶持。
- ⑳ 俎豆簠簋：簠音府，古代盛食物的方形器具；簋音鬼，古代盛食物的圆形器具。皆指祭祀时用的器具。
- ㉑ 蕴：这里指深奥的义理。
- ㉒ 咳：通谚，谚语。翕然，安定的样子。
- ㉓ 侔：音谋，相等、等同。
- ㉔ 黉塾：黉，音洪，即学舍。
- ㉕ 陶染浸润：即培养熏陶之意。
- ㉖ 文翁：汉舒人，少好学，通春秋，景帝末守蜀郡，崇教化，兴学校，文风大振。
- ㉗ 韩延寿：西汉杜陵（西安东南）人，字长公，昭帝时为谏议大夫，迁淮阳太守，历颍川，徙东郡，所至以礼仪为治，政绩为天下最。
- ㉘ 刘表：东汉高阳人，字景升，献帝时，为荆州刺史。
- ㉙ 頽敝：衰败，落后。
- ㉚ 躬：亲自。
- ㉛ 飭：音斥，整顿、整治。
- ㉜ 袂：袖子。
- ㉝ 遣价：放低身分。

通江县儒学记

史 容①

通江旧虽有学，卑陋弗称，议者欲迁诸爽垲②，久之弗遂。南渡，孝宗淳熙辛丑③知县陈君仲虎为邑，乃克迁于兹，据龙山之基，高阁列戟，至圣所居，巍乎已就，而其地力有不足，尤有待也。后十有四年，当宁宗庆元乙卯，阆中曹君奇摄邑，乃议说功绪，经营搜择得善地，巍然揖秋锦之山，俯瞰其流，实邑人何氏之业，从而求焉，欣然略无难色，方迫工役，而新令鄱阳张君克正适至留意焉，喜悦趋之成居。无何而广厦渠渠，讲论有堂，肄业有斋，凡所以为学于是始具。是役也，兴于去冬，而成于今岁孟夏，士人相告，语请于邑长而谒予以记。予闻古者习书、学射、养老、饮饯④，升其秀士；简不率教，出征受脤⑤献馘⑥，若此类皆行之于学。盖朝夕有事焉，非若今郡邑岁再释奠，月朔一至焉而已耳。夫朝夕于是，其以是为急，固宜。然观所制泮水⑦之颂，盖有兴废者，况于今钱谷期会⑧，惟恐力之不给，而能知所先后，拳拳于此，其可颂者，不愧于昔日宜邑人之列其治状，而相率以告也。予因思古者学校之设，非徒存古制为观美，盖附之教焉，闻此邦之为士者，邑居族处，皆怡怡然兴于礼义，无情游、废业，簪笔⑨教辞，民吏长短之习。自修学至今，遇乡举必在选中，此非学之功欤。勉之无怠，则风

动诱掖，駉駉^⑩遍乎畎亩之中，其风俗日改月化，学校之功当不替于今日也，余故乐为之记。庆元宁宗二年七月初六日。

注：

- ① 史容：南宋人。
- ② 爽塬：高朗、干燥之处。
- ③ 孝宗淳熙辛丑：即1181年。
- ④ 饮解：解，音至，古酒器。
- ⑤ 出征受脤：出兵祭社，祭毕以社肉赐与众人。
- ⑥ 献馘：馘音国，出战杀敌，割取左耳，以献上论功。后泛指奏凯报捷。
- ⑦ 泮水：学宫之水，此代称学宫。
- ⑧ 钱谷期会：有关钱粮税收等的约会。
- ⑨ 簪笔：古代朝见，插笔于冠，以备记事。
- ⑩ 駉駉：马速行貌。

安公祠^①记

何炎實^②

通江，古之壁州也。地方千里，接于梁洋^③之境。我朝熙宁（神宗）戊申中，始废为县，立于山南。绍兴初，敌人寇梁洋，朝论以唇齿之邦改之，符阳之军，以塞其冲。未几，寻复为县。开禧（宁宗）二年丙寅^④，寇复犯边，至丁卯正月十八日。逆曦不轨^⑤，僭称^⑦王号，谋分党羽。欲举全蜀而糜烂之。而通江为入蜀间道，必首汙^⑧涂炭之

患，人情汹汹。迨①二月十九日，安公大资宣德，倡以忠义，饬②豪客，排闾③剪诛，迅于雷霆。上以置宗社磐石之安，下以正西蜀仰戴之利。而通江近地，被恩尤厚。然邦人区区之诚，莫知所以报也。

至戊辰之冬，普慈④白知微，承领邑事，簿书期会，不劳而办，讼狱剖析，尤尽其功。于是民庶乐业，风化一新，士安于庠序，农安于畎亩，皆忻其⑤令尹之得人⑥。令尹闻之，辞曰：“往岁调兵之际，敌人猖獗，逆曦据邑，其害为甚。倘微⑦安公宣相⑧，削平僭叛，则汝曹为鱼肉。庠序之乐，畎亩之利，不可得也。吾何力焉？夫有及人之德者，不可不崇；有被世之勋者，不可无报。安公勋德格天⑨，恩惠及人，盍筑祠严奉以示报称。”皆忻诺，乃命进勇副尉陈某董其役，择地于县南之壁山。昔之州，是以取名“翠屏凌云”，下瞰诺水，群山环拱，万木森郁。秋冬之交，霜叶翻丹，烂若锦绣，岂下于阆苑之锦屏耶？东有祠，即郑公游燕⑩之迹。西有亭，乃古圣鹿鸣之堂。公之祠，俨然于其中，一邑之观览，于是为胜概。

祠成，令尹集宾从以落之，父老童稚，争奉香火，拜瞻威仪。已而士庶相庆，举酒属令尹而歌曰：“山如壁兮水秀深，秋叶烂兮圣鹿鸣，祈公福寿兮愈炽荣，大庇四海兮慰苍生。”歌毕，退而铭石，以识夫惠利之传于无穷也。公广安人，名丙，字子文，宣正殿学士，大中大夫，四川安抚使云。

注：

① 安公祠：在壁山，祀宋资政殿大学士，大中大夫，四川安抚使安

丙。

- ② 何炎寅：南宋宁宗嘉定间进士，通江县长胜乡人，卓有时誉，称著作手，有《炎寅集》。
- ③ 梁洋：梁，梁州，故治在今陕西南郑东；洋，洋水，即泽川，又名西乡河，源出陕西西乡县，入汉江。洋州即今陕西洋县。
- ④ 熙宁戊申：公元1068年。
- ⑤ 开禧二年丙寅：公元1206年。
- ⑥ 逆曦不轨：吴曦叛乱。
- ⑦ 僭称：僭，音见，虚假，此指假称王号。
- ⑧ 汙：污的异体字，即玷污。
- ⑨ 迨：迨，等到。
- ⑩ 谏：辞卸。
- ⑪ 排闥：推门。
- ⑫ 普慈：在今四川乐至东北三十五里。
- ⑬ 忻：音心，通欣。
- ⑭ 得人：所作事符合人民群众的愿望。
- ⑮ 微：非。
- ⑯ 宣相：扶助。
- ⑰ 格天：古代统治者自称受命于天，凡所作为，感通于天，叫格天。
- ⑱ 饗：宴会。

相 墨 堂 记

何 鏐 ①

君子之风烈，其感于人者信远矣哉。读岫嵎之碑②，慨然以思，观延陵之铭③，跃然以喜。君子之风烈至于愈久而弥新，既往而如存，积之者厚矣。世之好名，刻意从事于浮

末，其精神心术之运，卒不能必其著，不知道德之实，其充然溢于中，而辉然烛于外。天下后世愿见而不可得，往往因其遗迹，以起高山仰止之思。盖其所以感人者，有出于言语笔墨之外，或可推而致也。

故侍读礼部尚书、资政殿学士，兼山黄公裳^④，字文叔，剑阳人。笃信力行，尚友洙泗，每谓学者曰：“君子之学，始于修身正心，极则以天地为一，是故以道为指，以心体之，以经为学，以身临之，涵养纯熟，推之天下，特其余事耳。先生虽居穷处约，不求闻知，而有援天下之志，逮事孝祖，横经潜邸^⑤，代言西掖^⑥，进司喉舌，忠规谏论^⑦。有人所难言者，故大参娄公鏞评之曰：“先生先见如吕中丞^⑧，勇决如范蜀公^⑨，敢言如苏文忠^⑩、司马温公^⑪，自以为不及者，皆过之而得其全。”

当是时，兼山之名震天下，皇帝即位，虚席登庸。未逾年时，大星殒沉，而先生不起矣。鏞尝因是有叹焉。夫君子所负者大，而世不能用，或用之不尽，若有物以制之。盖于本朝得二人焉。明道^⑫与先生是也。方荆公当国，率意更制，举朝正论无一合者，惟明道与语，心平气和，荆公^⑬每为之动，学术议论之粹，足以化人，致使狠吝者意消气沮，已而去国，一跌不用。先生之学，实继明道且超显矣。而功业亦不克尽见。盖明道不死，新法之变不至已甚，先生尚存，伪学之禁，可以无作。二先生出处存亡，实有关于天下休戚，不幸皆齎志^⑭以殒，惜哉！然先生开悟圣性，辅成绝学，功参弼亮^⑮，恩宠亦如之。天日辉朗，卒能收挈威柄，扶持教道于更化之日，以恢明道之绪，自可以无憾，尚未为不遇也。

夫君子之于人，过其居式，其闾思，其人爱，其身百世之后犹知企慕，况乎泽之存者近接于耳目之所及，宁不宝而藏之乎！先生筮仕于壁山，后三十有四年，嘉定（宁宗）甲戌之冬，缪谔长于斯邑，慨念畴昔，尝执经函丈，辱知爱注目。经行之地，人寂山空，欲网罗闻见，开示将来，领事甫尔未暇也。明年春二月朔旦，邑人宋君，出示先生所著诗词数章，兴寄高迈，超然有出尘之资。

自先生之去，历尉、掾以十数，莫或表其事。宋君于是作堂尉闾^①之西偏而刻之，绘先生之容。榜曰相墨。谒郡太守王牒赵公题其颜。又请公及通守普慈冯公，后溪先生刘公俱为之跋，而属缪记。承命惭不文，姑为纪其岁月，述先生学术大略，为壁山学者之劝。昔山谷跋潘侯所藏伍宰相书，谓能屏却不祥，非特一县之宝，其重之如此。先生逸诗墨妙，岂止与伍宰相书争强而已哉，将于百岁后，于壁山之灵永永无斁^②矣。夫和壁丰剑止于物，尔然精奇光怪之状，上际于天，山川鬼神实呵护之，可以人之灵不如鬼神乎？

堂肇工于乙亥三月，落成于五月戊辰。宋君名炎震字东叔，世家怀之金堂。初步来此，戏彩怡怡，晨夕承欢于北堂，粹然忠孝人也，盖能作“相墨堂”，知敬黄兼山，则不问可知其趋向云。

儒者之言幽然以深，粹然而美，濂、洛、关、闽之传迫于巴西矣。

注：

① 何谔：谔，音流；何谔，宋宁宗嘉定七年，任通江县令，为黄裳门人。

- ② 岿嵝碑：岿嵝为衡山主峰，上有禹碑，称“岿嵝碑”，相传碑文为禹所书。
- ③ 延陵铭：延陵，春秋时吴国的属邑。吴公子季札贤，国王吴瑋欲废长立少（季札为少），季札以为不可，隐居延陵，示意不当国君。
- ④ 黄裳：名兼山，字文叔，隆庆府（今剑阁）普成（今剑阁县南一百四十里）人，宋孝宗乾道间进士，任通江县尉。宁宗授礼部尚书兼侍读。著《玉府春秋讲义》、《兼山集》，论天人之理，性命之源。
- ⑤ 横经潜邸：听讲时横陈经书。潜邸，指帝王未正皇储名分以前所居的第宅。
- ⑥ 西掖：即中书，后称“右曹”，又名“西掖”。
- ⑦ 说论：正直的言论。
- ⑧ 吕中丞：即吕著，字晦叔，累官至御史中丞，与司马光同心辅政。光疾革，以国事托之，独当国三年。
- ⑨ 范蜀公：即范镇，字景仁。举进士第一，哲宗时为端明殿学士，累封蜀郡公。镇生平与司马光相得甚欢，议论如出一口，反对王安石变法。
- ⑩ 苏文忠：即北宋文学家苏轼，谥号文忠。
- ⑪ 司马温公：司马光，赠太史温国公。
- ⑫ 明道：即程颢，字伯淳，进士。与王安石议新法不合，为宋代名儒，世称明道先生。
- ⑬ 荆公：即王安石，字介甫，号半山，神宗时为相，极力主张变法。
- ⑭ 斋志：斋，“齎”的异体字，音鸡，带着，抱着；此指怀着远大的志向。
- ⑮ 弼亮：辅佐。
- ⑯ 廨：厢房。
- ⑰ 敦：音译，厌弃。
- ⑱ 濂、洛、关、闽：濂溪周敦颐，洛阳程颢程颐，关中张载，闽中朱熹。此四人皆宋代理学派代表人物。

重修通江县金溪寺记①

杨 瞻 ②

自佛法入中国来，天下名山胜地，多为寺据。余以监察御史出金蜀臬，分巡川北。嘉靖辛丑冬③，余巡历按属由巴州入通江。以南江远不可到，宿金溪寺。寺胜国时，壮丽宏伟，为通江名刹。正德间，遭蓝鄙辈兵燹，煨烬甚矣。是后相继修辑颇雅。其山门犹宋建，而形胜依山如椅。前绕一水为金溪，左右岩峦层叠，竹木蓊郁，真可与鹫岭④雪峰相伯仲。但中殿未建僧家者流久瞻依耳。余特为结殿三间，使壮梵宇之胜。不满半载，工告完。寺僧行学来保宁分司，俯伏请碑。余谓吾儒与佛老本不同途，其作人为善之心一也。我圣祖扫胡元⑤之乱，与僧道不加驱除，亦取其与人为善，故尔。世之人能谅此意，师佛老之长，弃佛老之短，以归于善，则佛老于世道亦有补矣。论者诎可以异端少之哉。

注：

① 选自明嘉靖《保宁府志·艺文·寺观》

② 杨瞻：明嘉靖二十年由监察御史，擢四川按察司金事，驻保宁，分巡川北道。

③ 嘉靖辛丑：即公元1541年。

④ 鹫岭：注见李钟峨《金鸡寺碑记》。

⑤ 胡元：即蒙古族的政权。

類① 池 记

章 祜②

洪惟圣朝疆理③天下，以郡统州，以州统邑。州郡若邑，莫不有学校之设，以育才俊。其学之制，则明伦有堂④，左右有斋⑤，其斋之制，郡四、州三、县二，各有隆设。前则大成有殿，东西有庑⑥，中曰戟门⑦，外曰棖星⑧。類池，则凿于棖星、戟门之间。粤稽诸古，天子之学曰辟雍⑨，诸侯之学，乡射之宫，曰類官⑩。礼制仪式，秩然有序。汉唐而下，莫之改也。矧通江为邑，因古壁州故址，宋熙宁（神宗）中，废州为邑，县治屡迁。我朝洪武初，县令乐韶，复迁于兹。邑庠之制，各仍其旧。而庠制，则南面壁峰，春景溶溶，无间伏腊，仰之可以骋郁瀟之怀；俯瞰诺水，流响潺潺，不舍昼夜，闻之可以助吟诵之声；北枕歌籟，⑪石鼓坎坎，击之可以来在天之雨；以苏枯槁，右迹梵林，晓钟铿铿，听之可以觉吟罢之梦；以事事业。其山川形势，风俗物产。亦蜀藩之甲邑也。先是邑庠，大成殿庑，戟棖之门，亦颇湫隘。景泰壬申，城口周君南⑫，来令斯邑，重建大成殿。而两庑棖星、戟门之制，未之新也。天顺（英宗）辛巳，滇南杨君贤⑬，来令斯邑，始创两庑二门，然后轮囷⑭灿烂，为之一新。而類池之制，未之有也。成化（宪宗）甲申⑮，予忝⑯典教兹庠，慨⑰斯典之缺，于兹四逾载矣。是秋八月初吉，昧爽升堂，集诸生于

前，诏之曰：“金知颍宫之所以名乎？盖颍之为言半也，以学有池，半于辟雍，而宫因以名，颍池可无作乎？”金曰：“不可，唯先生命。”乃询匠石，取石于何许，询谋金同，鬼神其依。时署邑政，则苍溪幕宾龚君汉也。从而质之，慨然可其事；工作之费，则未之有也。方仲秋，归燔俎^①于予，因窃计所得该若干觔^②，可致若干客。翌日遂载酒于尊，崇餼于俎，张筵于学宫之堂。致客有阴阳训述杜君纲，致仕教谕陈君谟，国子生屈浩然。商豪民献，率五十余辈，爰举酒以其事告。金亦忻然，愿为共成其事，各助山茗，可十余觔。遂经始于九月之初四，而告成于十月既望^③。虽然此池之作，岂徒为观美哉？将以植芹藻，可以供登^④俎；将以养鱣鲤，可以观变化；将以树菡萏^⑤，可以思成德。观淝水之涟漪，可以为文章；观淝水之春融，可以奋魁捷；^⑥观淝水之冬凝，可以洁心志；其有益于身心，亦不为少。予故敢僭为之，而岁月之记，亦不容辞焉。成化四年戊子冬十有一月朔日记。

注：

- ① 颍：音判，与泮字通。
- ② 章楨：明成化年间，任通江训导，修文庙泮池。
- ③ 疆理：画经界，分地理。即画分、整理。
- ④ 明伦有堂：即明伦堂。各地孔庙的大殿称明伦堂。它取昭明封建伦理道德之义。
- ⑤ 斋：此指古人祭祀或典礼所居的宫室。
- ⑥ 庑：高堂周围的廊房、厢房。
- ⑦ 戟门：古宫门皆立戟。唐时规定，官阶勋三品以上者，许私门立戟；贵显家之门称“戟门”。
- ⑧ 棖星：即棖星门。旧时学宫孔子庙建有棖星门。

- ⑩ 辟雍：原为西周天子所设的学府，东汉以后，指祭祀“先圣先贤”的地方。
- ⑪ 频宫：即“泮宫”。古代诸侯所设立的大学。
- ⑫ 歌颖：山名，在通江城北面。
- ⑬ 城口周君：即周南，任通江知县。
- ⑭ 杨君贤：即杨贤，云南大理人，景泰年间任通江知县。
- ⑮ 轮囷：（栋宇）高大貌。
- ⑯ 成化甲申：疑为天顺甲申之误。即1464年。
- ⑰ 忝：辱，这里引申为愧。
- ⑱ 慨：音概，慨的异体字，叹声。
- ⑲ 昧爽：拂晓、天未全明之时。
- ⑳ 燔俎：燔，音凡，烤、炙肉食；俎，音阻，本是切肉用的砧板，这里指肉；燔俎，即烤肉。
- ㉑ 觔：音巾，重量单位，现写作“斤”。
- ㉒ 既望：指农历每月十六日。
- ㉓ 登：瓦质祭器。此作动词。
- ㉔ 菡萏：音韩单，即荷花。
- ㉕ 魁捷：夺魁取胜（之志）。

重修龙泉寺碑记①

向 钟①

龙泉寺，去通江治之东几百里许，地土亢爽②，山水盘回，实胜概也。山有石洞，深邃幽敞，有泉出焉。凡值时旱，祷即有应，而是乡古无大旱之灾者多赖焉。